



Broj/Broj: 01/a – 50 – 1 – 15 - 65/09
Sarajevo/Sarajevo, 07. decembar 2009. godine

ZAPISNIK
sa 65. sjednice Predstavničkog doma
Parlamentarne skupštine Bosne i Hercegovine,
održane 7. decembra 2009. godine

Sjednica je počela u 12.30 sati. Prisustvovao je 21 poslanik.

Iz međunarodnih organizacija sjednicu su pratili predstavnici: OHR-a, OESC-a, EUSR-a, EUPM-a, USAID PSP u BiH, Ambasade Velike Britanije te nevladine organizacije Centri civilnih inicijativa.

Sjednici su također prisustvovali predstavnici Udruženja invalida BiH.

Odsustvo su opravdali: Ekrem Ajanović, Sadik Bahtić, Adem Huskić, Zlatko Lagumdžija, Rifat Dolić, Milica Marković, Mirko i Okolić.

Predsjedavajući Milorad Živković konstatirao je da nema kvoruma za održavanje sjednice, te je sjednica prekinuta.

Nakon pauze, sjednica je nastavljena.

Predsjedavajući je za 65. sjednicu Predstavničkog doma konstatirao sljedeći

D N E V N I R E D

1. Davanje saglasnosti za ratifikaciju Konvencije UN-a o pravima lica s invaliditetom i Opcionalnog protokola.

Ad. 1. Davanje saglasnosti za ratifikaciju Konvencije UN-a o pravima lica s invaliditetom i Opcionalnog protokola

Nakon uvodnih napomena predsjedavajućeg Milorada Živkovića u raspravi su učestvovali: Denis Bećirović, Remzija Kadrić, Martin Raguž, Drago Kalabić, Sefer Halilović i Slavko Matić.

S 29 glasova „za“ (iz Federacije BiH 21, iz Republike Srpske osam), bez glasova „protiv“ i bez glasova „suzdržan“, Dom je dao saglasnost za ratifikaciju Konvencije.

Nakon toga, Dom je glasao o prijedlogu zaključaka Denisa Bećirovića, tako da je s 28 glasova „za“ (iz Federacije BiH 20, iz Republike Srpske osam), bez glasova „protiv“ i jednim glasom „suzdržan“, usvojio zaključak broj 1 koji glasi:

- 1. Predstavnički dom Parlamentarne skupštine BiH zadužuje Vijeće ministara BiH da na narednoj sjednici Predstavničkog doma podnese informaciju o razlozima kašnjenja ratifikacije Konvencije UN-a o pravima lica s invaliditetom i Opcionalnog protokola.**

Dom je zatim glasao o zaključku broj 2 Denisa Bećirovića koji glasi:

- 2. Predstavnički dom Parlamentarne skupštine BiH zadužuje Vijeće ministara BiH da u roku od 15 dana Predstavničkom domu podnese informaciju o razlozima kašnjenja ratifikacija i drugih konvencija.**

„Za“ zaključak su glasala 23 poslanika (iz Federacije BiH 20, iz Republike Srpske tri), jedan je bio „protiv“ a pet poslanika je bilo „suzdržano“. Predsjedavajući je konstatirao da nema entitetske većine. Kolegij je obavio usaglašavanje i nije postigao saglasnost, pa je proveden drugi krug glasanja.

S 24 glasa „za“ (iz Federacije BiH 20, iz Republike Srpske četiri), jednim glasom „protiv“ (iz Federacije BiH) i četiri glasa „suzdržan“, Dom je usvojio zaključak broj 2 Denisa Bećirovića.

Time je realiziran dnevni red.

Sjednica je završena u 15 sati.

Sastavni dio Zapisnika je transkript 65. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković